



Sakshandsamar: Dagny Alvik
Telefon: 57 64 31 42
E-post: fmsfdal@fylkesmannen.no

Vår dato
17.06.2014

Vår referanse
2013/4346
Rapportnummer

Tenden Container og Gjenvinning AS
Stryn Miljøpark
6783 Stryn

Tilsyn ved Tenden Container og Gjenvinning AS - krav om retting av avvik – vedtak om gebyr

Rapporten omhandler funn som kontrolløren kunne observere eller på annen måte fekk kjennskap til under tilsynet. Funn vert omtalt som *avvik* frå krav i ureiningslova med forskrifter, *merknadar* om forbetringpunkt eller *andre forhold* som kan vere viktig å omtale nærare. Rapporten omtalar også vedtak om kontrollgebyr.

Tilstade under kontrollen Frå verksemda: Dan Bøe, Per Ole Tenden	Frå miljøvernavingdelinga hos Fylkesmannen: Dagny K. U. Alvik Frå Stryn kommune: Eli-Katrin Kirkeeide
Desse hovudtema vart kontrollert: <input checked="" type="checkbox"/> Internkontroll (ytre miljø) <input checked="" type="checkbox"/> Risikovurdering <input checked="" type="checkbox"/> Utslepp til luft eller vatn <input type="checkbox"/> Støy <input checked="" type="checkbox"/> Løyvet med vilkår <input checked="" type="checkbox"/> Forskriftskrav <input type="checkbox"/> Anna:	<input checked="" type="checkbox"/> Avfallshandtering ordinært avfall <input checked="" type="checkbox"/> Handtering av farleg avfall (merking, emballering, mellomlagring, levering) <input type="checkbox"/> Handtering av kjemikal (klassifisering, merking, emballering) <input type="checkbox"/> Sikkerhetsdatablad <input type="checkbox"/> Substitusjon
Bakgrunn for kontrollen: <input type="checkbox"/> Frekvensbasert inspeksjon <input type="checkbox"/> Frekvensbasert revisjon <input type="checkbox"/> Kontrollaksjon <input type="checkbox"/> Ny verksemd (ikkje kontrollert før) <input type="checkbox"/> Nytt løyve (ikkje kontrollert før)	<input type="checkbox"/> Oppfølging av eigenrapport <input type="checkbox"/> Oppfølging av klage/hending/tips <input checked="" type="checkbox"/> Oppfølging av siste kontroll <input type="checkbox"/> Kartlegging <input type="checkbox"/> Anna

Hovudfunn frå kontrollen

Det vart ikkje påvist avvik, men gjeve **5 merknader** frå ureiningsregelverket. Melding om retting av merknader må vere sendt til Fylkesmannen innan **01.09.2014**.

Rapporten vert vurdert som endeleg dersom vi ikkje får attendemelding om faktiske feil eller mistydingar innan to veker atter at rapporten er motteke. Vedteke kontrollgebyr vert då send frå Miljødirektoratet for innbetaling til staten.

Med helsing

Gøsta Hagenlund
ass. fylkesmiljøvernsjef

Dagny K. U. Alvik
senioringeniør

Brevet er elektronisk godkjent og er utan underskrift

Hovudkontor
Njøsavegen 2, 6863 Leikanger
Telefon: 57 65 50 00
Telefaks: 57 65 50 55
Org.nr 974 763 907

Landbruksavdelinga
Fjellvegen 11, 6800 Førde
Postboks 14, 6801 Førde
Telefon: 57 65 50 00
Telefaks: 57 72 32 50

E-post:
post@fmsf.no
Internett:
www.fylkesmannen.no/sfj

1. Informasjon om verksemda:

Namn på verksemda: Tenden Container og Gjenvinning AS	Organisasjonsnr.: 976 505 328 Eigd av: 976 484 770
Stad og kommune: Stryn	Kontrolldato: 12.06.2014
Postadresse: Stryn Miljøpark, 6783 Stryn	Løyvedato og internt nr.: 06.01.2012
Risikoklasse: 3	<input checked="" type="checkbox"/> ISO 14001-sertifisert <input type="checkbox"/> EMAS-registrert

2. Om kontroll frå ureiningstilsynet

Kontrollen vart gjennomført ved gransking av dokument (skriftlege og elektroniske), ved intervju av leiing og sentralt plasserte personar i organisasjonen, og ved verifikasjon av at rutinar, prosedyrar og instruksar vert følgde i praksis. Rapporten inneheld omtale av kontrollen og dei avvik og merknader innan miljøvernavingdelinga sitt forvaltningsområde som vart avdekt. Vi vil gjere merksam på at ikkje *alle* sider av verksemda som kan ha noko å seie for ytre miljø vart granska ved kontrollen. Verksemda må sjølv aktivt utøve internkontroll, avdekkje feil og manglar og iverksetje nødvendige tiltak.

Definisjonar:

Avvik	Brot på krav som er fastsett i eller med heimel i helse-, miljø, og tryggleikslovgivinga. (Døme er brot på krav i ureiningslova eller produktkontrolllova, forskrifter til lovene, utsleppsløyve, og verksemda sine eigne rutinar som er nødvendige for å stette styresmaktene sine krav.)
Merknad	Tilhøve som tilsynsetatane meiner det er nødvendig å peike på for å ivareta helse, miljø og tryggleik, og som ikkje vert omfatta av definisjonen for avvik. Brot på eigne rutinar som inneheld strengare krav enn lovkrava, kan verte omtala som merknad. Merknadar kan gje grunnlag for enkeltvedtak med krav om tiltak.

Aktuelt regelverk

- LOV 1981-03-13 nr 06: Lov om vern mot forurensninger og om avfall (ureiningslova).
- FOR-1996-12-06-1127: Forskrift om systematisk helse-, miljø- og sikkerhetsarbeid i virksomheter (internkontrollforskrifta)
- FOR-2004-06-01-930: Forskrift om gjenvinning og behandling av avfall (avfallsforskrifta)

Vi gjer merksam på at oversikt over miljøloverket kan ein finne på www.lovdatab.no eller vist til frå www.miljodirektoratet.no (sjå under *regelverk*). Dei viktigaste HMS-krava finn ein på nettstaden www.regelhjelp.no. Reglane om gebyrinnkrevjing finn ein under kap. 39 i ureiningsforskrifta. Papirversjon av kapittelet kan de få hos Fylkesmannen.

Vi vil streke under at oppdatert oversikt over regelverk og fokus på vedvarande forbetringar vil på sikt styrke grunnlaget for sikker og lønsam drift. Vi vil nytte høvet til å takke for ein god gjennomgang og ønske lukke til vidare.

3. Oppfølging etter kontrollen

Verksemda må gå gjennom merknadene og vurdere kva for tiltak som er aktuelle og nødvendige for å tilfredsstille krav etter HMS-lovgivingane. Merknader kan gi grunnlag for pålegg.

Innan 01.09.2014 ber vi om at verksemda gjer greie for sine vurderingar og eventuelle utbetringar i tilknytning til våre merknader.

4. Vedtak om gebyr for kontroll

Verksemder skal betale gebyr for kontroll frå Fylkesmannen, i samsvar med § 39-3 i ureiningsforskrifta. Gebyret skal dekkje kostnader med førebuing, gjennomføring og oppfølging av kontrollen. Gebyrsatsar for kontroll hjå verksemder med utsleppsløyve er fastsett i ureiningsforskrifta § 39-6. Verksemda er plasser i risikoklasse 3.

Fylkesmannen vedtek med dette at Tenden Container og Gjenvinning AS skal betale eit gebyr på kr. 11 700,- for den gjennomførte kontrollen.

Vedtaket om gebyr kan påklagast til Miljødirektoratet, jf. § 28 i forvaltningslova. Dersom vi ikkje får kommentar til varselet innan 3 veker, reknar vi vedtaket som endeleg og faktura med innbetalingsblankett vert då sendt frå Miljødirektoratet for innbetaling til statskassa. Gebyret må betalast innan 30 dagar etter fakturadato. De kan klage på vedtaket om gebyr. Eventuell klage bør vere skriftleg grunngjeve, adresserast til klageorganet Miljødirektoratet, men må sendast via Fylkesmannen. Fylkesmannen vil vurdere endring av vedtaket eller sende saka vidare til klageorganet for endeleg vedtak. Ein eventuell klage vil ikkje få oppsetjande verknad, og gebyret som er fastsett ovafor må betalast inn. Dersom klageorganet tek klagen til følgje, vert for mykje innbetalt beløp refundert.

5. Offentlegheit av rapport

Rapporten vil verte tilgjengeleg for innsyn via Fylkesmannen sitt elektroniske arkiv, jf. offentlegheitslova.

6. Merknader

Følgjande tilhøve ga grunn til merknadar under kontrollen:

Merknad 1 Gjerde

Kommentarar:

Det er eit krav i utsleppsløyvet at deler av området skal vere gjerda inne med eit 2 m høgt gjerde. Tidlegare i vinter var det klage på flygeavfall nedanfor anlegget. Dette vart også følgt opp frå Stryn kommune. Tilbakemeldinga var at det skulle setjast opp gjerde i løpet av våren 2014. Verksemda har kjøpt inn gjerde, men det er ikkje sett opp. Vi vart einige under tilsynet at dette skal vere på plass innan 01.09.2014.

Merknad 2 Skadedyrprogram

Kommentarar:

Det er eit krav i utsleppsløyvet at verksemda skal utarbeide eit eige program for å hindre skadedyr. I vinter fekk Stryn kommune klage frå naboar om auka rotteplage. Verksemda har følgt opp dette med skadedyrfirmaet, og gjort eigne tiltak for å redusere problemet (lokk på matavfallscontainerar, jamleg vending av flishaugar mm.). Vi ynskjer å få tilsendt det utarbeida skadedyrprogrammet.

Merknad 3 Avvikssystem**Kommentarar:**

Verksemda har fått eit nytt elektronisk avvikssystem der ein ma. kan melde avvik via ein app på telefonen. Det var teke lite i bruk av dei tilsette, og dei få avvika som var registrert var hovudsakleg eksterne klager. Det er viktig at verksemda bevisstgjer dei tilsette om å registrere avvik og nesten-hendingar for å få til ei kontinuerleg forbetring av drifta. Det er ein føresetnad at avvika som kjem inn vert handsama på ein god måte, og at dei som melder får tilbakemelding på kva tiltak som vert sett i verk.

Merknad 4 Sortering og journalføring**Kommentarar:**

På tilsynsdagen var det store mengder restavfall på området. Det var meir enn vanleg mellom anna pga. stans i forbrenningsanlegg både i Bergen og Ålesund. Med så store mengder restavfall er det vanskeleg å kunne gjere ei god sortering av restavfallet. Det er td. vanskeleg å skilje ut fraksjonar som kan vere farleg avfall. Sidan førre tilsyn har verksemda fått inn byggavfall som kan vere farleg avfall i journalsystemet, men det var enno ikkje registrert mottak av td. røyrisolasjon som kan innehalde brommerte flammehemmarar.

Merknad 5 Lagring av ee-avfall**Kommentarar:**

Det stod ein del korgar med ee-avfall lagra ute på asfaltert plass. Ee-avfall bør lagrast tørt med skydd for regn.

7. Andre forhold

Dette var ein oppfølgingskontroll etter førre tilsyn som avdekkja uforsvarleg handtering av farleg avfall og lagring av større mengder farleg avfall enn det som verksemda har løyve til. Tilsynet var saman med representant for miljøretta helsevern i Stryn kommune som også følgde opp kontroll etter klage på skadedyr frå anlegget.

Fylkesmannen er svært nøgd med korleis verksemda har teke tak i det som vart påpeika. Området for handtering av farleg avfall stod fram som ryddig, og det verkar som verksemda har gode rutinar for korleis ein skal handtere det farlege avfallet. Det er viktig at ein fortsetter det gode arbeidet, og at ein har rutinar som sikrar god oppfølging sjølv om nøkkelpersonar ikkje er tilstade.

Kopi via e-post: Miljøretta helsevern, Stryn kommune